

Dogovor o obrazovanju djece povratnika u Osnovnoj skoli u Varesu

Visi zamjenik Visokog predstavnika, ambasador dr. Matei Hoffmann, pozdravlja postizanje dogovora na osnovu kojeg ce u skolskoj zgradi u Varesu biti smjesteni ucenici i hrvatske i bosnjacke osnovne skole, a koji je postignut tokom njegove jucerasnje posjete Varesu.

Sastanak ambasadora Hoffmana sa Kemalom Celebicom, kantonalnim ministrom obrazovanja, njegovim zamjenikom, Zvonimirom Lukacevicem, nacelnikom općine Vares, Pavlom Vidovicem, njegovim zamjenikom, Samirom Musom, i sa direktorima obje osnovne skole okoncao je politicki motiviran konflikt zbog kojeg 205 djece povratnika hrvatske nacionalnosti nije moglo pohađati nastavu u Osnovnoj skoli u Varesu. Od septembra ti ucenici vise nece sticati obrazovanje u neadekvatnim prostorijama, nego ce u novoj skolskoj godini nastavu pohađati u Osnovnoj skoli u Varesu, i to u skladu sa nastavnim planom i programom koji izaberu njihovi roditelji. Prije kraja ove skolske godine Osnovna skola u Varesu ce organizirati okupljanje pod nazivom "Otvorena vrata" kako bi izrazila dobrodoslicu ucenicima hrvatske nacionalnosti, uglavnom bivsim ucenicima te skole.

Dogovor koji je postignut u Varesu utvrđuje da ce Osnovna skola u Varesu priznati svjedocanstva hrvatskih ucenika za ovu skolsku godinu, i na taj nacin osigurati da povratnicima bude priznat njihov ulozeni trud. Nadalje, pitanje placa nastavnika hrvatske nacionalnosti, koje nisu isplacene od januara 2000. godine, ce rjesavati nadležni kantonalni organi vlasti i OHR.

Nastavnici i upravitelji i jedne i druge skole trebaju definirati nacin na koji ce se uskladiti nastavni planovi i

programi na osnovu Deklaracije i Sporazuma koje su 10. maja 2000. godine potpisali svi ministri obrazovanja u BiH, a koje su nakon toga podržali kantonalni ministri obrazovanja u Federaciji BiH.

Ukoliko rezultati ove saradnje budu pozitivni, Svjetska banka će razmotriti finansiranje projekata koji se odnose na saradnju dva naroda u Federaciji, u okviru svog Fonda za kvalitetno osnovno i srednje obrazovanje ("Quality Fund"). Svjetska banka takodje može na raspolaganje staviti i sredstva za obuku nastavnika.

U svojim uvodnim napomenama, ambasador Hoffmann je ucesnike na sastanku podsjetio na zaključke koje je na Konferenciji u Briselu usvojilo Vijeće za implementaciju mira, i na odluku Ureda Visokog predstavnika da neće tolerirati obstrukciju u bilo kojoj oblasti, pa ni obstrukciju u oblasti obrazovanja. Medjunarodna zajednica će tokom predstojećih mjeseci pažljivo pratiti razvoj situacije u Osnovnoj skoli u Varesu kako bi osigurala da mjere koje su dogovorene 1. juna 2000. godine budu realizirane putem konkretnih aktivnosti poduzetih u korist svih učenika ove škole.